

Histore – Utløe grnr 236/20.

Eksakt historikk er ukjend. Stadnavnet er Løbakken, som tydar på at løa har vore der i lengre tider.

Løa er et etter alt å døme bygd for å tene formål som utløe, for lagring av høy, ved og liknande, men ein kan ikkje utelukka at den også har vore brukt til husdyr i gamle tider.

Byggemåte og gardshistorikk kan iflg lokalhistoriker Dr Vidar Lehmann tyda på at bygningen er sett opp seint 1700 eller tidleg 1800. Den elste delen av kledningen og reisverket, ser ut til å vera saga på oppgangssag.

Garden Askvik var fram til 1670 ein gard. Denne vart so delt mellom to brødre. Kva for ein av bruka som disponerte denne utløa i tidlegare tider er ukjent, men inskripsjon (initialar) kan tyda på at ein av mine forfedre, Sjersant Ivar Simonsen Almelid, seinare Askvik, frå Modalen, har vore involvert.

Dette kan og høve med oppgangssag teorien, då han var den første som fekk sette opp sag i området etter forbodet var oppheva. Saga stod i Bjørsvik.

Teigen som 236/20 ligg på, og utløa, var i bruk og her vart lagra høy til utpå 1970-talet. Det kan dermed vere ei av dei utløene som har vore i aktiv bruk lengst i nyare tid, og samtidig kan det vere ei av dei eldste att.

Sidan sist brukt i gardsdrift, har løa vore tatt vare på av tidlegare eigar av 236/2 Sigmund Askvik. (underteikna sin far), på same måte som dei alltid har gjort, ved å leggje til istaden for å ta vekk material der kor det var naudsynt. Reisverket/grina er opprinneleg og ingen delar er fjerna, slik det ser ut.

Løa er i dag ikkje i bruk til anna enn litt lager, men underteikna har vorte gjeven denne som del av eigedomen, og har satt seg fore at denne skal takast vare på, både då den er eit stykke kulturhistorie men og av respekt for tidlegare tider, og arbeidet som ligg i oppføring og vedlikehald gjennom historien. Ifølge Trond Oaland, som var i området og kika då på løa, så er det svært få att av desse utløene i området lokalt men og generelt og av den grunn vel verdt å ta vare på.

Eksempelvis er løa som stod litt lenger vest i området (bruk nr 236/1) vekke og berre grunnmuren står att.